

尉繚子集序



及侯既梓阮嗣宗集余慮之以傳

矣洎梓尉繚子集遺余未

終輒擊節歎服古人有一言而

扶兵機洞後世之利弊若觀火然

亦奇哉余縱覽繚之全集莫要





於戰威攻權武議將理四篇而四  
篇之中三致意焉莫要於兵以  
靜勝一言此武臆所未譚荀彧所  
未錄也唐文皇與李衛公商略  
古今兵法而操多方以誤之夫心  
驚于多已先擾矣烏能勝人蓋兩

軍相當虛實強弱不過動靜而  
已彼動則制於我：動則制於彼軍  
志曰將妄動軍不重聖人將動必  
有愚色故靜為勝也唯是十萬附  
注輕者欲發沉者欲凶廉者欲守  
貪者欲取局外攘臂者又明言善



議以撓其成如此而欲靜勝譚何  
容易允靜則無形無聲獨出  
獨入然後易使如臂指巨測如  
鬼神難撼如山嶽然後能分人  
之兵疑人心然後設右為牝  
益左為牡以處女始以脫兔終

古推善兵者莫神於陰符既  
曰天發殺機地發殺機又曰自  
然之道靜故天地萬物生而揚  
子亦云潛天而天潛地而地夫  
靜所以潛也天地且不違况武  
備乎余嘗謂六國無武非無



武也夫人而能武也但人知武  
之武不知不武之武是以疆場  
一彼一此卒成戰國獨秦用繚  
之計策竟破從橫混一區宇  
其得失可見於前事矣此靜  
勝一言為扶兵機與丹書並

傳不朽也注余備兵海蓋三鼓  
之不越詢其故則武臣掣肘於  
文臣外吏仰息乎內吏錢神  
有靈石畫罔效時已極重難返  
間者醫曹無問之役戰詳于伍議詳于  
朝而佩虎符者首鼠莫適任忠



致覆軍蹙地烽火達甘泉  
蹙躁動誤之耳絲斯以譚  
繚靜勝一言若為今日  
叢者故曰奇也夫天下  
之事未知終始肅慎貢  
楛無時中原加賦不已  
兵久變生識微者慮之  
矣然則及侯梓

是集也雖曰表章先賢之奇  
其有隱憂乎

天啓三年中秋邑人靳於中題





序



不佞既祥既嗣宗集固乞尉繚子

善古卒於邑士紳咸曰既太冲太學

嘗標釋之幸往索焉無何太學至

語以故太學曰蒙第就尉繚子尉繚

耳公焉用此為不佞粹不領復曰古

來何書無兵法世間何事無兵機



解人不必孫吳穰尉非解人即太公  
黃石提之耳終不能釋故釜拔成  
整以神批擣之用肯唐之君臣相  
為問答一曰不出多方以誤之一曰不  
出致人不致於人而數已蒙猶贅焉  
夫名自命也事自定也因其自然  
而流之而不誤之誤無致之致從

一日五化徐赴環中斯之謂神解而  
天伐雖然蒙亦高用此為驪山卧病  
今茲十霜向野老每以遼甸來論  
意嘗恨之因冥思大局若何密指  
若何先聲若何陰陽正倒若何遂  
費山川皆壘格風雲皆旆旌草樹  
皆徒旅泉石皆鼓鉦呼聲振天血



光漲海棠街高懸降城宛在嘻  
雄矣快矣無留行不再舉矣行復自  
念心兵憎耶魔境現耶偏親在堂  
病骨在榻殺机一開妙氣不定作是念  
已械智寂然形如枯凋氣如伏卵心  
王清泰邊徼昭蘇故兵也者濟蕞  
靈臺捷收慧劍有則免起鷲落

無則飈息波恬預橫於乘勉循其故三  
單五刃日不勝敵公將謂何應之曰子之  
甚恢尔甚幻吾知子不求用世尔知世  
不能用子弟歸我尉繚早就刷而令業  
橫草者肆焉不但新子邑之故也俾來  
幸讀果不醒捷簡與可稱尉繚知已  
原其本趣似壹意形氣之失而絕陋闕



闕之偉者則其前述豈盡愴快乃授梓  
而并記其說尉氏又有江統著徙戎論  
上晉武不能用卒致五胡亂華人服  
深識計其籌虜六繚後人以不佞所聞  
於太學及讀諸所論著蓋深蟠離垢而  
蓄經天下之志其識畧不必遠慕古矣  
天啓癸亥孟秋既望尉氏令交河及朴譔

尉繚子題辭

按尉氏志尉繚子臺在邑內東北戰國時尉繚  
所築又曰尉繚宅在縣治東北隅有二臺一看  
花一梳妝之二名不典好事者以傳其女妄也  
尉繚臺宜居其一今直兩魁阜矣史記繚大梁  
人尉氏去大梁不百里其以人屬都乎昔鄭有  
尉止尉翩氏名於官邑名於氏繚似止翩後典  
午記秦事甚適當不謬繚爲秦國尉在始皇十



年天官第一曷云梁惠王問邪惠王三十一年  
徙治大梁禮幣賢者鄒衍淳于髡孟軻皆至繆  
治兵家言獨不足當一洒邪又無問天官一篇  
襲子輿氏喙餘漢志兵家有尉繚三十一篇今  
逸其七雜家尉繚二十九篇如非孟堅誤又誰  
邪繚嘗尉秦亦可以秦官氏則一繚耳其氏以  
鄭以秦皆不可知而欲亡去所謂聲豺心虎者  
固止之後卒無考則但可信爲尉氏人不敢信

與梁惠王同時也嗟乎蘇秦張儀鞞軾之雄反  
覆之首也然策安六國無踰從者連雞無爭大  
鳥可繳吾鳥知從首不齊桓蘇季不敬仲何至  
憑弔愚狐千古短氣夫旣不幸生儀矣繚安得  
復云賂豪亂謀不下三十萬金則諸侯可盡邪  
宗周六國雖謂儀繚亡之可也吾讀繚武植文  
種省獄禁暴諸篇絕不類是其後督責諸令刻  
深儼秦法豈尉秦時所爲又絕不類前然則尉



繚子者真贗半焉者乎第雖錯雜成書與太公六韜較異何也尉繚子中容有尉繚六韜中必無太公也若六韜自龍韜而下始談兵鈴尉繚自重刑而上每舉道法於此見古人論兵卽無詭託爲名高而終存先王務本任德和民畜衆之遺不似後世妄一男子憑力失威以國僥倖乃尉繚文古樸精煉亦勝六韜蕪蕪蓋兩人才筆懸殊然而六韜之僞也又在尉繚後矣嗟

乎書苟足傳奚必嫁古而盲今乎余非知兵者旣自都門徙還尉氏取邑所稱三賢吾祖嗣宗伯喈尉繚書細讀一過見繚注多牽附不合又末篇殺士卒半謬爲生殺之殺古今譏之爲畧疏數語置篋中不意二十年餘繚書遂難封塵飽蠹因再標舉微密以俟解人恐不堪與張橫渠注作衙官耳橫渠少喜談兵范文正公勸學儒改業噫嘻文正視儒與兵兩邪此所以元昊



是說  
曠懸藁街二帝長淒五國也

天啟癸亥春仲邑人阮漢聞書於嘯臺下之詠  
懷堂

史記秦始皇本紀

十年大梁人尉繚來說秦王曰以秦之彊諸侯  
譬如郡縣之君臣但恐諸侯合從翕而出不意  
此乃智伯夫差濬王之所以亡也願大王母愛  
財物賂其豪臣以亂其謀不過亡三十萬金則  
諸侯可盡秦王從其計見尉繚亢禮衣服食飲  
與繚同繚曰秦王爲人蜂準長目鷖鳥鷹聲  
少恩而虎狼心居約易出人下得志亦輕食人



我布衣然見我常身自下我誠使秦王得志於天下天下皆為虜矣不可與久游乃亡去秦王覺固止以為秦國尉卒用其計策而李斯用事周氏涉筆曰尉繚子言兵理法無盡然於諸令督責部伍刻矣所以為善者能分本末別賓主所謂高之以廊廟之論重之以受命之論銳之以踰垠之論廊廟本也受命所以授也凡諸令所云將事也踰垠之論爾視孫子專篇論火攻

吳起武侯纖碎講切從容有餘矣人主崇儉務本均田節歛原法稽驗為之主本無蔓獄無留刑故曰兵凶器爭逆德事必有本以武為植以文為種武為表文為裏文視利害辨安危武犯強敵力攻守不攻無過之城不殺無罪之人夫殺人之父兄利人之財貨臣妾人之子女此皆盜也其說雖未純王政亦可謂窺本統矣古者什伍為兵有戰無敗有死無逃自春秋戰國來



長募旣行動輒驅數十萬人以赴一決然後有  
逃亡不可禁故尉繚子兵令於誅逃尤詳世傳  
張魏公建壇拜曲端爲大將端首問魏公見兵  
幾何魏公曰八十萬人端曰須是斬了四十萬  
方得四十萬人用端所言果如是覆軍失地殺  
身之道也夫分數豈專在殺哉此念薰蒸決不  
能興起輯睦吸引安祥而尉繚亦云善用兵者  
能殺卒之半其次殺其十三其下殺其十一能  
殺其半者威加海內殺十三者力加諸侯殺十  
一者令行士卒筆之於書以殺垂教孫吳却未  
有是論也



尉繚子目錄

二十四篇  
舊分五卷



天官

兵談

制談

戰威

攻權

守權

十二陵

武議

將理

原官

治本

戰權

重刑令

伍制令

分塞令

束伍令

經卒令

勒卒令

將令

踵軍令

兵教上

兵教下

兵令上

兵令下



尉繚子目錄終

尉繚子

漢書卷之四十四

尉氏阮漢聞標釋

瀛海及 朴叅訂

天官第一

梁惠王問尉繚子曰黃帝刑刑德德旺旺可以百勝

有之乎尉繚子對曰刑以罰之德以守之非所

謂天官時日陰陽向背也黃帝者人事而已矣

何者今有城東西攻不能取南北攻不能取四



方豈無順時乘之者邪然不能取者城高池深  
兵器備具財穀多積豪士一謀者也是即人事

非盈也若城下池淺守弱則取之矣由是觀之天

官時日不若人事也按天官曰背水陣為絕地

向阪陣為廢軍武王伐紂背濟水向山阪而陣

以二萬二千五百人擊紂之億萬而滅商豈紂

不得天官之陣哉楚將公子心與齊人戰時有

彗星出柄在齊柄所在勝不可擊亦天官家言公子

心曰彗星何知以彗闢者固倒而勝焉言以人事勝則

如倒轉其所在明日與齊戰大破之黃帝曰先

神先鬼先稽我智引此明天官謂之天官人事

而已

此篇以人事破天官之拘持論甚正然寔莫

孟子後戰威篇又明引天時不如地利地利

不如人和矣史記尉繚為秦國尉蓋與始皇

同時而云梁惠王問何也



李衛公曰兵者詭道託之以陰陽術數則使  
貪使愚茲不可廢也又曰臣前所謂術數不  
可廢者蓋存其機於未萌也及其成功在人  
事而已矣是善用天官者

### 兵談第二

量土地肥磽而立邑

此所謂邑若後世鎮堡控扼類

建城稱地

以城稱人以人稱粟三相稱則內可以固守外

可以戰勝戰勝於外備主於內勝備相應猶合

符節無異故也

治兵者若秘於地若邃於天生於無故開之大

不窺小不恢明乎禁舍開塞

秘於地邃於天則無端可窺無形可

視矣無能生有故大小惟意所開而無窺肆虛

恢之患然有開則有塞有禁則有舍故禁舍開

塞不可不明也明禁舍開塞者我藏其機民流

而人不測其用何邃秘如之是生於無耳者親之地不任者任之

親民任地是亦禁舍開流而不舍任則開其蕪夫土廣而任則國富民  
而不塞然其昭昭者耳衆而親則國治富治者民不發軔甲不出暴日



暴之而兵制天下故曰兵勝於朝廷不暴甲而

勝者主勝也陳而勝者將勝也

兵起非可以忿也見勝則興不見勝則止

患在百里之內不起一日之師患在千里之內

不起一月之師患在四海之內不起一歲之師

雖言速定言豫

將者上不制於天下不制於地中不制於人寬

不可激而怒清不可事以財夫心狂耳聾目盲

以三悖率人者難矣

心狂耳聾目盲則雖寬可激况不寬乎雖清可助况

不清乎此非必敵激且助之也喜怒不當機以

和

兵之所及羊腸亦勝鋸齒亦勝緣山亦勝入谷

亦勝方亦勝圓亦勝方圓陣也重者如山如林如江

如河輕者如炮如燔如垣壓之如雲覆之垣壓不支

雲覆不辨重兵令人聚不得以散散不得以聚

左不得以右右不得以左兵如揔木弩如羊角



舊註謂如摠持木弩又如旋風非也兵五兵摠  
木猶言如植木之密耳必對句讀爲是尉繚文  
字儘佳若云摠持人人無不騰陵張膽絕乎疑  
木弩便不成語  
慮堂堂决而去

制談第三

凡兵制必先定制先定則士不亂士不亂則刑  
乃明金鼓所指則百人盡闕盾行亂陣則千人  
盡闕覆軍殺將則萬人來死天下莫能當其戰  
矣古者士有什伍車有偏列車衆十五爲偏五偏爲列鼓鳴

旗麾先登者未嘗非多力國士也先死者亦未  
嘗非多力國士也損敵一人而損我百人此資  
敵而傷我甚焉世將不能禁征役分軍分定軍伍而  
逃歸或臨戰自北則逃傷甚焉世將不能禁殺  
人於百步之外者弓矢也殺人於五十步之內  
者矛戟也將已鼓而士卒相噐拘矢折弓抱戟  
利後發戰有此數者內自敗也世將不能禁士  
失什伍車失偏列奇兵捐將而走大衆亦走奇兵



未詳既日什伍偏列又日大衆必非出奇之兵世將不能禁四者制夫不先定

將能禁此四者則高山陵之深水絕之堅陣犯

之不能禁此四者猶亡舟楫絕江河不可得也

民非樂死而惡生也號令明法制審故能使之

前明賞於前決罰於後是以發能中利動則有

功令百人一卒千人一司馬萬人一將以少誅

衆以弱誅強號令明法制審實罰信是定制也

人一將可領萬人而少能誅衆弱能誅強試聽臣言其術足使三軍

之衆誅一人無失刑父不敢舍縱子子不敢舍

父况國人乎此所謂士不一夫仗劍擊於市萬

人莫不避之者臣謂非一人之獨勇萬人皆不

肖也何則必死與必生固不侔也聽臣之術足

使三軍之衆為一死賊莫能當其前莫能隨其

後而能獨出獨入焉獨出獨入者王霸之兵也

有提十萬之衆而天下莫當者誰曰桓公也有

提七萬之衆而天下莫當者誰曰吳起也有提

提七萬之衆而天下莫當者誰曰吳起也有提

提七萬之衆而天下莫當者誰曰吳起也有提



三萬之衆而天下莫當者誰曰孫子也今天下

諸國士所率無不及二十萬之衆然不能濟功

名者不明乎禁舍開塞也明其制禁舍開塞中

而表著于外者一人勝之則十人亦以勝之也

十人勝之則百千萬人亦以勝之也機理一耳

衆弱可誅強故曰便吾器用養吾武勇皆制發之如

鳥擊如赴千仞之谿今國被患者以重幣出聘

以愛子出質以地界出割得天下助卒名爲十

萬其實不過數萬耳其兵來者無不謂將曰無

爲人下先戰其實不可得而戰也其將士皆迫

吾聘割也觀量吾境內之民無伍莫能正矣吾

望幾倖焉耳原自可用惟無伍法正之前經制十萬之衆而

王必能使之衣吾衣食吾食戰不勝守不固者

非吾民之罪內自致也內治不修天下諸國助

我戰猶良驥駮駢之駛彼駑馬鬻興角逐何能

紹吾氣哉無伍莫正吾兵氣先索諸國助兵實



緩駕與角何能續吾兵  
氣使不終索而勝之

吾用天下之用以為用

吾制天下之制以為制

天下有大用吾用之天下有大制吾制之何必

借兵修吾號令明吾賞罰使天下非農無所得

食非戰無所得爵使民揚臂爭出農戰而天下

無敵矣故曰發號出令信行國內內治修民言

有可以勝敵者毋許其空言必試其能戰也視

人之地而有之分人之地而畜之必能內有其

賢者也不能內有其賢而欲有天下必覆軍殺

將如此雖戰勝而國益弱得地而國益貧由國

中之制弊矣

不經制境內而恃隣助已失利矣况夷狄而

望其守香火之盟不任用賢者而信空言已

失實矣况技術而覬其奏批擣之績三復是

篇可為太息

通篇發明定制首尾迴伏頓挫條理亦古文

之絕佳者何論經武



兵威第四

凡兵有以道勝有以威勝有以力勝講武料敵使敵之氣失而師散雖形全而不為之用此道勝也審法制明賞罰便器用使民有必戰之心此威勝也破軍殺將乘闖發機潰衆奪地成功乃返此力勝也王侯知此所以三勝者畢矣夫將之所以戰者民也民之所以戰者氣也氣實則闖氣奪則走

刑未加兵未接而所以奪敵者五一曰廟勝之

論廟二曰受命之論立三曰踰垠之論輕四曰

深溝高壘之論固五曰舉陳加刑之論明此五

者先料敵而後動是以擊虛奪之也料虛善用

兵者能奪人而不奪於人奪者心之機也有心

彼此相共我得彼失奪之必矣故奪力不如奪心令者一衆心也衆不

審則數變數變則令雖出衆不信矣故令之之

法小過無更小疑無中中故上無疑令則衆不

討



二聽動無疑事則衆不二志

小過小疑之令亦必有助於開塞禁

舍者也無更無中第取不二聽二志云 未有不

信其心而能得其力者也未有不得其力而能

致其死戰者也故國必有禮信親愛之義則可

以饑易飽國必有孝慈廉耻之俗則可以死易

生古者率民必先禮信而後爵祿先廉耻而後

刑罰先親愛而後律其身故戰者必本乎率身

以勵衆士如心之使四肢也志不勵則士不死

節士不死節則衆不戰勵士之道民之生不可

不厚也爵列之等死喪之親民之所營不可不

顯也必也因民所生而制之因民所營而顯之

爵實有等死喪有資皆明白可見曰顯 田祿之實實用飲食之親

鄉里相勸死喪相救兵役相從此民之所勵也

使什伍如親戚卒伯如朋友止如堵墻動如風

雨車不結轍士不旋踵此本戰之道也

地所以養民也城所以守地也戰所以守城也



故務耕者民不饑務守者地不危務戰者城不

圍九百守城之法莫妙於此三者先王之本務也本務者兵

最急故先王專於兵有五馬委積不多則士不

行賞祿不厚則民不勸武士不選則衆不強器

用不備則力不壯刑賞不中則民不畏務此五

者靜能守其所固動能成其所欲

夫以居攻出則居欲重陳欲堅發欲畢闔欲齊

居守之兵以攻擊而出蓋守所不得不守因攻所不得不攻者居不重防其襲我陳不堅慮其

歷我發不畢恐敵之乘疎闕不容恐敵之踰息  
四者全得其正經也奇者得一亦可成功此居  
守之戰守城  
守寨皆然

王國富民霸國富士僅存之國富大夫亡國富

倉府所謂上滿下漏患無所救引

故曰舉賢任能不時日而事利明法審令不卜

筮而獲吉貴功養勞不禱祠而得福引

又曰天時不如地利地利不如人和引聖人所

貴人事而已



夫勤勞之師將必先已暑不張蓋寒不重衣險必下步軍井成而後飲軍食熟而後飯軍壘成而後舍勞佚必以身同之如此師雖久而不老不弊

攻權第五

兵以靜勝國以專勝力分者弱心疑者背夫力弱故進退不豪縱敵不擒將吏士卒動靜一身心既疑背則計决上而不動下動决下而不禁

上

異口虛言

異口不同心以協議虛言不敷實以倡誣在壁必惑軍心在朝必妨廟算

將無修容卒無常試

中軍作好則無整毅之容師干之試則有訓練之卒

發攻必衄是謂疾陵之兵無足與鬪

虛器輕率利在以疾

陵之原無深謀固志不足鬪也

將帥者心也群下者支節也其心動以誠則支節必力其心動以疑則支節必背夫將不心制卒不節動雖勝幸勝也非攻權也



夫民無兩畏也畏我侮敵畏敵侮我見侮者敗  
立威者勝凡將能其道者吏畏其將也吏畏其  
將者民畏其吏也民畏其吏者敵畏其民也是  
故知勝敗之道者必先知畏侮之權夫不愛說  
其心者不我用也不威嚴其心者不我舉也愛  
在下順威在上立愛故不二威故不犯故善將  
者愛與威而已

戰不必勝不可以言戰攻不必拔不可以言攻

不然刑賞不足信也信在期前事在未兆故衆  
已聚不虛散兵已出不徒歸求敵若求亡子擊  
敵若救溺人

分險者無戰心挑戰者無全氣鬪戰者無勝兵

鬪戰舊註憤兵未確無  
謀無制角力求勝者耳

凡挾義而戰者貴從我起爭私結怨應不得已  
怨結雖起待之貴後故爭必當待之息必當備  
之



兵有勝於朝廷有勝於原野有勝於市井闕則

得服則失彼服而退幸以不敗此不意彼驚懼

而曲勝之也曲勝言非全也非全勝者無權名

故明主攻戰之日合鼓合角節以刀刃不求勝

而勝也鼓角之合慮跡於襲刀刃之節慮過於

兵有去備撤威而勝者以其有法故也有器用

之蚤定也其應敵也周其摠率也極故五人而

伍十人而什百人而卒千人而率萬人而將已

周已極其朝死則朝代暮死則暮代是不獨伍

為然今非專任將矣則必夙儲而後料敵審將

而後舉兵始終

故凡集兵千里者旬日百里者一日必集敵境

卒集將至深入其地錯絕其道錯絕非棲其大

城大邑我兵棲使之登城逼危男女數重彼必

共各逼地形而攻要害擇彼以守據一城邑而

數道絕從而攻之是逼地形敵將帥不能信吏



卒不能和刑有所不從者則我敗之矣不然彼亦不遠

敗我如受敵救未至而一城已降

津梁未發要塞未修城險未設渠答未張則雖

有城無守矣遠堡未入戍客未歸則雖有人無

人矣遠堡戍客恐梁惠時無此字眼六畜未聚五穀未收財用

未歛則雖有資無資矣夫城邑空虛而資盡者

我因其虛而攻之法曰獨出獨入敵不接刃而致之

此之謂也

### 守權第六

凡守者進不郭圍退不亭障以禦戰非善者也

世將豪傑英俊堅甲利兵勁弩強矢盡在郭中

乃收窖廩毀拆而入保令客氣十倍而王之

氣不半焉敵攻者傷之甚也然而世將弗能知

夫守者不失其險者也守法城一丈十人守之

工食不與焉出者不守守者不出一而當十十

而當百百而當千千而當萬故為城郭者非特



費於民聚土壤也誠為守也千丈之城則萬人  
 之守池深而廣城堅而厚士民備薪食給努堅  
 矢強矛戟稱之此守法也攻者不下十餘萬之  
 衆其有必救之軍者則有必守之城無必救之  
 軍者則無必守之城此守以須救也然彼城堅而救誠  
 則愚夫蠢婦無不蔽城盡資血城者期年之城  
 守餘於攻者救餘於守者此救又必須誠若可力有餘於攻救力有餘於守則城始可保若彼城堅而救不誠則愚

夫蠢婦無不守俾而泣下此人之常情也遂發

其害廩救撫則亦不能止矣城將陷衆將潰必無亦難止其散必

鼓其豪傑英俊堅甲利兵勁弩強矢并於前么

麼毀瘠者并於後示十萬之兵頓於城下救必

開之守必出之救者開圍以出守出據要塞守

不失其險但救其後無絕其糧道中外相應所圍為

為前矣無絕糧道恐其變捨糧道併力急攻城

破豈慮無糧邪故但救後圍取中外相應而已

此直為示以不誠將倒敵而勝之耳若守餘攻

救餘守則糧道乃敵所必顧者雖不示以不誠



可也一定之法哉用兵豈有此救而示之以不誠示之以不

誠則倒敵而待之者也後其壯前其老示彼敵

無前守不得而止矣倒之猶悞之也待之觀其變也後壯前老亦示弱一

端然彼必料吾有謀疑不敢前於是守者此守可以盡出誰為止者與救協力破敵必矣

權之謂也

城非不高不守城而守險險如不一又不守

近而守遠層層門戶處處藩籬使耕販往來

若不知有敵國外患然者敵難虛喝民無虛

驚將亦可伺便前驅不必怵心內顧則安有

敵未臨而民先潰鋒未交而城先失之事哉

前篇所謂務戰者城不圍即不失其險而後

能戰非浪戰也民所以戰者氣客氣驕主氣

索嬰城自守反以自悞尉繚所為致慨於世

將歟或曰敵兵猝薄城下不及出據要塞如

何曰有情有形可謀也有情無形可料也謀

不真料不審險又不熟察而預防焉用將



十二陵第七 陵敵

威在於不變時嚴時惠在於因時機在於應事

因而戰在於治氣攻在於意表出奇守在於外飾

同無過在於度數無困在於豫備慎在於畏小

中歲開塞智在於治大除害在於敢斷得衆在

於下人悔在於任疑所以小疑無孽在於屠戮

偏在於多私不祥在於惡聞已過不度在於竭

民財不明在於受問不實在於輕發輕發無

有作輕固陋在於離賢禍在於好利害在於親

小人亡在於無所守危在於無號令

武議第八

凡兵不攻無過之城不殺無罪之人夫殺人之

父兄利人之貨財臣妾人之子女此皆盜也故

兵者所以誅暴亂禁不義也兵之所加者農不

離其田業賈不離其肆宅士大夫不離其官府

由其武議在於一人法定一人衆皆恭命誰則

討察子

橫行爲暴取殘之說未確



故兵不血刃而天下親焉

萬乘農戰千乘救守百乘事養農戰不外索權

農戰自饒救守不外索助事養不外索資財夫

出不足戰入不足守者治之以市市者所以給

戰守也萬乘無千乘之助必有百乘之市若小

市然取稅贍軍法似出於不獲已也若田稅市稅無所不取既以活國又以活邊而塞上通商

難實民間竭髓難支則不講以農戰耳屯田益笑非農乎奈何惟外索資和

九誅者所以明武也殺一人而三軍震者殺之殺一

人而萬人喜者殺之殺之貴大賞之貴小當殺而難

貴重必殺之是刑上究也賞及牛童馬圉者是賞下

流也夫能刑上究賞下流此將之武也

故人主重將夫將提鼓揮枹臨難決戰接兵角

刃鼓之而當則賞功立名鼓之而不當則身死

國亾是興亡安危應在枹端奈何無重將也

夫提鼓揮枹接兵角刃君以武事成功者臣以

為非難也古人曰無蒙衝而攻無渠谷而守是



謂無善之軍

細玩文義謂君藉武事成功勞心勞力不足奇也惟如古人所云不

攻之攻不守之守道德為威神武不殺斯為難耳則用軍無有善於此者舊註連下視無見聽

無聞曲解不成文義今截

視無見聽無聞由國無市也

立市以取稅耳然市人往來既多凡

有傳說即吾見聞因而豫防因而决計夫市也無不可者斯又不謀之謀也舊註殊舛

者百貨之官也市賤賣貴以限士人

市賤賣貴市官事也

不限制之使為壟斷乘乏微利肥瘠不均必致生事

人食粟一斗馬食

三斗人有饑色馬有瘠形何也市有所出

無主也

無主誰為限之

夫提天下之節制而無百貨之

官無謂其能戰也

限士人易限內之要人與將吏及將吏之親屬左右難今

鹽筴馬市可知矣

起兵直使甲冑生機蝨者必為吾所效用也

鳥逐雀有襲人之懷入人室者非出生也

襲懷入室

多死後有憚也

恃愛可久恃憚亦危

太公望年七十屠牛朝歌賣食盟津過七十餘

而主不聽人人謂之狂夫也及遇文王則提三



萬之衆一戰而天下定非武議安能此合也故  
曰良馬有策遠道可至賢士有合大道可明

武王伐紂師渡盟津右旄左鉞死士三百戰士

三萬死士三百是親兵也紂之陳億萬飛廉惡

來身先戟斧陳開百里武王不罷士民兵不血

刃而克商誅紂無祥異也人事修不修而然也

今世將考孤虛占咸池星合龜兆觀星辰風雲

之變欲以成勝立功臣以為難紂億萬之師百

據然符秦元魏完顏以多取  
敗由不知勢險節短四字耳

夫將者上不制於天下不制於地中不制於人

故兵者凶器也爭者逆德也將者死官也故不

得已而用之無天於上無地於下無主於後無

敵於前一人之兵如狼如虎如風如雨如雷如

霆震震宜宜天下皆驚

勝兵似水夫水至柔弱者也然所觸丘陵必為

之崩無異也性專而觸誠也今以莫邪之利犀



兕之堅三軍之衆有所竒正則天下莫當其戰  
矣故曰舉賢用能不時日而事利明法審令不  
卜筮而獲吉貴功養勞不禱祠而得福又曰天  
時不如地利地利不如人和古之聖人謹人事  
而已

吳起與秦戰舍不平隴畝樸檄蓋之以蔽霜露  
如此何也不自高人故也乞人之死不索尊竭  
人之力不責禮故古者介冑之士不拜示人無  
已煩也煩人而欲乞其死竭其力自古至今未  
嘗聞矣

將受命之日忘其家張軍宿野忘其親援枹而  
鼓忘其身亦是引語

吳起臨戰左右進劍起曰將專主旗鼓爾臨難  
決疑揮兵指刃此將事也一劍之任非將事也

三軍成行一舍而後成三舍三舍之餘如决川

源三十里爲一舍始事詳整後卽因之故望敵



在前因其所長而用之敵白者望之敵赤者赭

之白至赤赭亦因敵之喻即孫子形兵之極

吳起與秦戰未合一夫不勝其勇前獲雙首而

還吳起立斬之軍吏諫曰此材士也不可斬起

曰材士則是也非吾令也斬之

將理第九 理獄

凡將理官也古者兵刑不分萬物之主也生殺

不私於一人夫能無私於一人故萬物至而制

之不使紛爭萬物至而命之各正性命君子不救囚於五

步之外似言急也雖鈞矢射之弗追也鈞金束矢射弗追也此曲

畢矣答人之背灼人之脇束人之指而訊囚之

情雖國士有不勝其酷而自誣矣今世諺云十

金不死百金不刑試聽臣之言行臣之術雖有

堯舜之智不能關一言雖有萬金不能用一銖

今夫决獄小固不下十數中固不下百數大固

不夫决獄小固不下十數中固不下百數大固



不下千數十人聯百人聯千人之事  
千人聯萬人之事所聯之老親戚兄弟也其次  
婚姻也其次知識故人也農無不離田業賈  
無不離肆宅士大夫無不離官府如此關聯良  
民皆囚之情也兵法曰十萬之師出日費千金  
今良民十萬而聯於囚國繫日費上不能  
臣以為危也智不能關金不能  
用不知何道而然

原官第十

官者事之所主為治之本也制者職分四民治  
之分也官爵富祿必稱尊卑之體也好善惡惡  
正比法會計民之具也均井地節賦歛取與之  
度也程工人備器用匠工之功也分地塞要殄  
恠禁淫之事也守法稽斷臣下之節也明法稽  
驗主上之操也明主守等輕重臣主之權也  
所明賞賚嚴誅責止姦之術也審開塞守一道



為政之要也下達上通至聰之聽也知國有無

之數用其功也一十知彼弱者強之體也知彼動

者靜之决也以我強為體始能無弱以我靜為

共之雖官分文武惟王之二術也俎豆同制天

子之會也會同遊說間謀無自入正議之術也

正道既明公議大定諸侯有謹天子之禮君民

繼世承王之命也更號易常違王明德故禮得

以伐也一遵官無事治無可責問上無慶賞比

可封無民無獄訟國無商賈本富何王之至也

王道明舉上達在王垂聽也舉前事

此篇治具犁然文更古質整活

治本第十一

凡治人者何曰非五穀無以充腹非絲麻無以

蓋形故充腹有粒蓋形有縷夫在耘耨妻在織

杼民無二事則有儲蓄夫無雕文刻鏤之事妻

無繡飾纂組之作木器而液金氣腥聖人飲於土



食於土埏埴以爲器天下無費今也金木之性  
不寒而衣繡飾馬牛之性食草飲水而給菽粟  
是治失其本而宜設之制也春夏夫出於南畝  
秋冬女練於布帛則民不困今裋褐不蔽形糟  
糠不充腹失其治也古者土無肥瘠人無勤惰  
古人何得而今人何失耶耕有不終畝織有日  
斷機而奈何饑寒蓋古治之行今治之止也夫  
謂治者使民無私也民無私則天下爲一家而

無私耕私織共寒其寒共饑其饑如有子十人  
不加一飯有子一人不損一飯焉有誼呼醜酒  
以敗善類乎民相輕佻則欲心興爭奪之患起  
矣橫生於一夫則民私飯有儲食私用有儲財  
民一犯禁而拘以刑治烏在其爲人上也善政  
執其制使民無私爲下不敢私則無爲非者矣  
反本緣理出乎一道則欲心去爭奪止囹圄空  
野充粟多安民懷遠外無天下之難內無暴亂



之事治之至也蒼蒼之天莫知其極帝王之君  
誰為法則往世不可及來世不可待預待求已  
者也

所謂天子者四馬一日神明測不二日垂光照三

日洪叙叙九四日無敵安一怒此天子之事也野物

不為犧牲雜學不為違需智私

今說者曰百里之海不能飲一夫厭無三尺之泉

足止三軍渴易臣謂欲生於無度和生於無禁

太上神化其次因物其下在於無奪民時無損

民財先使之足而後故禁必以武威而成賞必

以文德而成教

### 戰權第十二

兵法者千人而成權操縱萬人而成武強盛權

先加人者敵不力支武先加人者敵無威接故

兵貴先勝於此則勝彼矣弗勝於此則弗勝於

彼矣凡我往則彼來彼來則我往相為勝負此



戰之理然也夫精誠在乎神明戰權在乎道之

所極有者無之無者有之安所信之內握其誠外極其數

則權武已成雖千人萬人可以加敵而先勝如誠與道所應有者而反無之不誠與非道所應

無者而反有之安可信其必勝敵哉

先王之所傳聞者任正去詐兵不厭詐在所用之終陰道也宜可

任專存其慈順决無留刑慈經法緝

故知道者必先圖不知止之敗惡在乎必往有

功輕進而求戰敵復圖止我往而敵制勝矣非

但有功者戒輕進不知止也古人未戰必

方戰佯北豈真怯哉有者教身馬耳是也

鮮不坐為退通與敵為矣故曰自出焉

將能而君不御者勝矣

起曰勇之於將為甚

分一耳其言可也

加之主人不敢當而陵之必喪其權凡奪者無

氣兵勢為人所奪恐者不可守敗者無人交戰輒敗兵制勝無人

無道也意往而不疑則從之得奪敵而無前則

-5 45 45 965" data-label="Text">

加之得明視而高居則威之兵道極矣此



其言無謹偷失其陵犯無節破矣水潰雷擊三  
軍亂矣必安其危去其患以智決之其言如云  
日之偷慢過差所當謹彼此之陵侮侵犯所當  
懲不則無制之兵以當敵攻若决水轟雷一軍  
不戰自亂矣此必危所可患也以智决者偷大  
有漸凌犯有端防大於小圖終於初非智莫測  
其微非决莫致其果舊註未確

高之以廊廟之論重之以受命之論銳之以踰  
垠之論則敵國可不戰而服廟身不可易故宜  
高之君命不可輕  
故宜重之士氣不可餒故  
宜銳之字法不苟乃爾

重刑令第十三

將自千人以上有戰而北守而降離地逃衆命  
曰國賊身戮家殘去其籍發其墳墓暴其骨於  
市男女公於官自百人以上有戰而北守而降  
離地逃衆命曰軍賊身死家殘男女公於官使  
民內畏重刑則外輕敵故先王明制度於前重  
威刑於後刑重則內畏內畏則外堅矣發掘暴  
骨不可

訓為



伍制令第十四

軍中之制五人爲伍伍相保也十人爲什什相保也五十人爲屬屬相保也百人爲閭閭相保也伍有干令犯禁者揭之免於罪知而弗揭全伍有誅什有干令犯禁者揭之免於罪知而弗揭全什有誅屬有干令犯禁者揭之免於罪知而弗揭全屬有誅閭有干令犯禁者揭之免於罪知而弗揭全閭有誅吏自什長以上至左右罪知而弗揭全閭有誅吏自什長以上至左右

將上下皆相保也有干令犯禁者揭之免於罪知而弗揭者皆與同罪夫什伍相結上下相聯無有不得之姦無有不揭之罪父不得以私其子兄不得以私其弟而况國人聚舍同食烏能以干令相私者哉

分塞令第十五

中軍左右前後軍皆有分地分方之以行垣而無通其交徃塞將有分地帥有分地伯有分地



皆營其溝域而明其塞令使非百人無得通非其百人而入者伯誅之伯不誅與之同罪軍中縱橫之道百有二十步而立一府柱量人與地柱道相望禁行清道非將吏之符節不得通行采薪芻牧者皆成行伍不成行伍者不得通行吏屬無節士無伍者橫門誅之踰分干地者誅故內無干令犯禁則外無不獲之姦

東伍令第十六

約束行伍

東伍之令曰五人爲伍共一符收於將吏之所亡伍而得伍當之得伍而不亡有賞亡伍而不得伍身死家殘家殘太刻亡長得長當之得長不亡有賞亡長不得長身死家殘復戰得首長除之亡將得將當之得將不亡有賞亡將不得將坐離地遁逃之法見重刑令篇戰誅之法此陣間誅不用命者曰什長得誅十人伯長得誅什長千人之將得誅百人長萬人之將得



尉繚子 卷之八  
三十一  
誅千人之將。左右將軍得誅萬人之將。大將軍無不得誅。

繚束伍令一軍中誅賞格耳。吳璘疊陣法曰：此古束伍令得車戰遺意，無過於此。豈古別有束伍令邪？或僅取約束士伍爲言，邪？以俟博識。

經卒令第十七

經正也

經卒者以經令分之爲三分焉。

以經正之左軍禁令分之

蒼旗卒戴蒼羽，右軍白旗卒戴白羽，中軍黃旗卒戴黃羽，卒有五章。五色也前一爲識，前一行蒼章次二行

赤章次三行黃章次四行白章次五行黑章次

以經卒亡章者有誅。前一五行置章於首次二

五行置章於項次三五行置章於胸次四五行

置章於腹次五五行置章於腰如此卒無非其

吏吏無非其卒見非而不詰見亂而不禁其罪

如之鼓行交鬪則前行進爲犯難後行退爲辱



衆踰五行而進者有賞。踰五行而後者有誅。所以知進退先後。吏卒之功也。故曰鼓之前如雷。震動如風雨。莫敢當其前。莫敢躡其後。言其經也。

勒卒令第十八

金鼓鈴旗四者各有法。鼓之則進。重鼓則擊。金之則止。重金則退。鈴傳令也。旗麾之左則左。麾之右則右。奇兵則反。是一鼓一擊而左。一鼓一

擊而右。此又以鼓當一也。一步一鼓。步鼓也。十步一

鼓。趨鼓也。音不絕。驚鼓也。商將鼓也。角帥鼓也。

將鼓商音帥鼓角音並鼓之時其音可辨。小鼓伯鼓也。鼓小音小亦可辨也。三

鼓同。則將帥伯其心一也。法有三鼓故須辨。奇兵

則反。是鼓失次者有誅。如當步而趨。誼譁者有

誅。亂鼓不聽金鼓鈴旗而動者有誅。百人而教

戰合之千人。千人教成。合之萬人。萬人教成。會

之於三軍。三軍之衆有分。有合。為大戰之法。教



成試之以閱方亦勝圓亦勝錯交和橫亦勝臨

險亦勝敵在山緣而從之敵在淵沒而從之求

敵如求亡子從之無疑故能敗敵而制其命

夫蚤决先定若計不先定慮不蚤决則進退不

定疑生必敗故正兵貴先奇兵貴後或先或後

制敵者也正先奇後其大綱也或世將不知法

者專命而行先擊而勇專命則違命定之謀無

不敗者也其舉有疑而不疑其往有信而不信

其致有遲疾而不遲疾是三者戰之累也有言

利者不信而不往有言往之害者不信而必往是皆專命先擊之倫故累

### 將令第十九

將軍受命君必先謀於廟行令於廷君身以斧

鉞授將曰左右中軍皆有分職若踰分而上請

者死軍無二令惟大將二令者誅惟大將留令

者誅失令者誅將軍告曰出國門之外期日中

設營表置轅門期之如過時則坐法將軍入營



則閉門清道有敢行者誅有敢高言者誅有敢不從令者誅

古遣將禮惟鴻烈解獨詳此直撮畧而已

踵軍令第二十 踵軍與軍

所謂踵軍者去大軍百里期於會地為三日熟

食前軍而行為戰合之表合表乃起踵軍饗

士使為之戰勢 表合既起矣踵軍乃饗士以將戰也

是謂趨戰者也 踵軍與大軍將同趨赴戰 興軍者前

踵軍而行合表乃起去大軍一倍其道去踵軍

百里 北踵軍去大軍一倍 期於會地為六日熟食使

為戰備分卒據要害戰利則追北按兵而趨之

其先期會合表使知吾踵軍大軍之至耳某已分據要害故可按兵不動及吾戰利於是追敵

則突出為接兵矣 踵軍遇有還者誅之 或言

遇與軍之還者踵軍誅之踵軍先大軍行獨無

逃還者乎此似還者皆誅獨言踵軍可以互見 所謂諸將之兵在四竒之內者勝也 即一奇也

兵有什伍有分有合豫為之職守要害關梁而



分居之

典軍前踵軍行使分據要害踵軍前大軍行亦必分守關梁且一大軍也而分

為踵興即踵興又戰合表起即皆會也是合大軍

為計日之食起戰具無不及也令行而起不如

令者有誅凡稱分塞者四境之內當與軍踵軍

既行則四境之民無得行者防偽奉王之命持

符節名為順職之吏非順職之吏而行者誅之

防矯戰合表起順職之吏乃行用以相參表行

用相參考乃可故欲戰先安內也悉師乃可報命

今發兵有第一起某將第二起某將即興軍

踵軍之制也然三日六日皆為熟食則不言

伏而伏在其中矣先數日往守抑何逸也大

軍初至得合興踵二軍便可休養少時如猝

與敵遇又可更番迭進何勞之有即此一條

開闔竒正進退戰守之方不可勝用其實則

以逸代勞及客為主耳浪戰者何苦以人命

為戲



兵教上第二十一

兵之教令分營居陳有非令而進退者加犯教

之罪如朴作前行者前行教之後行者後行教

之左行者左行教之右行者右行教之教舉五

人其甲首有賞弗教如犯教之罪可見甲首即

教師即不羅地者羅地必當日有此自揭其伍

伍內互揭之免其罪

凡伍臨陣若一人有不進死於敵則教者如犯

法者之罪凡什保什若亡一人而九人不盡死

於敵則教者如犯法者之罪自什以上至於裨

將有不若法者則教者如犯法者之罪凡明刑

罰正勸賞必在乎兵教之法假如一陣全敗則

不但至誅也繚常仕秦此真秦法矣或其間有

相準之格如亡伍得伍亡長得長者乎且自伍

長教成上合大將大將教之成陣至臨陣犯法

不盡死敵大將不當如其罪邪事理外謬謂真

出繚手吾不教信

將異其旗卒異其章左軍章左肩右軍章右肩



中軍章胸前書其章曰某甲某士前後章各五

行尊章置首上其次差降之

此與經卒令難合

伍長教其四人以板為鼓以瓦為金以竿為旗

擊鼓而進低旗則趨擊金而退麾而左之麾而

右之金鼓俱擊而坐伍長教成合之什長什長

教成合之卒長卒長教成合之伯長伯長教成

合之兵尉

兵尉軍中理刑之官

兵尉教成合之裨將裨將

教成合之大將大將教成陣於中野置大表三

百步而一既陣去表百步而決百步而趨百步

而驚習戰以成其節為之賞罰自尉吏而下盡

有旗戰勝得旗者各視其所得之爵以明賞勸

之心戰勝在乎立威立威在乎戮力戮力在乎

正罰正罰者所以明賞也令民背國門之限決

死生之分教之死而不疑者有以也令守者必

固戰者必聞姦謀不作姦民不語令行無變兵

行無猜輕者若霆奮敵若驚舉功別德明如白



黑令民從上如四肢應心也前軍絕行亂陣破  
堅如潰者有以也此之謂兵教所以開封疆守  
社稷除患成武德也

### 兵教下第二十二

臣聞人君有必勝之道故能兼并廣大以一其  
制度則威加天下有十二焉一曰連刑謂同罪  
保伍也二曰地禁謂禁止行道以網外姦也三  
曰全車謂甲首相附三五相同以結其聯也

分限之中而有親附之四曰開塞謂分地以限  
美則車之聯結者可固各死其職而堅守也五曰分限謂左右相禁

限亂前後相待無自前

垣車為固

視車以逆

以止也軍舍六曰號別謂前列務進以別其後者

不得爭先登不次也

別者號

七曰五章謂章明

行列始卒不亂也八曰全曲謂曲折相從皆有

分部也九曰金鼓謂興有功致有德也十日陳

車謂接連前矛

矛或茅

馬冒其目也十一曰死



士謂衆軍之中有才智者乘於戰車前後縱橫

出奇制敵也十二曰力卒謂經其全曲不麾不

動也此似別立一隊俟急麾之如握奇此十二游軍二十四隊設於陣後之類

者教成犯令不舍兵弱能強之主卑能尊之令

弊能起之民流能親之人衆能治之地大能守

之國車不出於閫組甲不出於橐而威服天下

矣

兵有五致為將忘家踰垠忘親指敵忘身必死

則生急勝為下致如論語致身之致忘家忘親

死判死及生耳若但急於取勝則死生不可知矣此三忘大是佳語二句似絕斷結之必列為

五恐涉牽強夫安知三致之非訛為五致也

百人被刃不顧死傷陷行亂陣千人被刃擒敵殺將

萬人被刃橫行天下

武王問太公望曰吾欲少間而極用人之要望

對曰賞如山罰如谿如山難及使人仰之太上如谿難涉使人畏之

無過其次補過使人無得私語私議諸罰而請不



罰者死諸賞而請不賞者死伐國必因其變示

之財以觀其窮示之弊以觀其病示我之弊以觀其能知利

病上乖下離若此之類是伐之因也此豈太公之旨

凡興師必審內外之權以計其去兵有備闕糧

食有餘不足校所出入之路然後興師伐亂必

能入之地大而城小者必先收其地城大而地

窄者必先攻其城地廣而人寡者則絕其阨地

窄而人衆者則築大堙堙土以臨之下攻勢便高眺計窮

無喪其利無奪其時寬其政夷均其業救其弊

則足以施天下今戰國相攻大伐有德特自伍

而兩自兩而師不一其令率俾民心不定徒尚

驕侈謀患辯訟吏究其事累且敗也民務盡公而吏復以

酷虐窮究其事民累軍敗勢所必至

日暮路遠還有挫氣師老將貪爭掠易敗

凡將輕壘早衆動可攻也將重壘高可圍也

凡圍必開其小利使漸夷弱則節吝有不食者



矣圍恐死守死聞必開小利誘之使漸受傷以至於弱則日窮日蹙滅盡不飽內變作矣此

圍大城大邑之法

衆夜擊者驚也衆避事者離也待人之救期戰

而蹙反欲速戰皆心失而傷氣也傷氣敗軍曲謀敗

國

兵教上篇重複散漫下篇所謂十二亦不倫

然尚多確語必牽輳附會之書也

### 兵令上第二十三

兵者凶器也爭者逆德也事必有本故王者伐暴亂本仁義焉戰國則以兵威抗敵相圖而不能廢兵也

兵者以武爲植植立以文爲種種根武爲表文爲裏

能審此二者知勝敗矣文所以視利害辨安危

武所以犯強敵力攻守也此文似非智謀之謂即上文王者之仁義

也視國利害辨民安危而以仁義爲先是種裏也

專一則勝離散則敗陣以密則固鋒以踈則達



卒畏將甚於敵者勝卒畏敵甚於將者敗所以  
知勝負者稱將於敵也敵與將猶權衡焉一重一輕  
不待言矣重相等也昂誰獨雅臨敵應安靜則  
變真有將不能自衡者不衡而任焉可

治暴疾則亂

出卒陳兵有常令行伍疏數有常法先後之次

有適宜常令者非追北襲北攸用也常令亦有奇時奇兵

亦多死法所以稱用兵者惟人用前後不次則

失也亂先後斬之

常陣皆向敵有內向有外向有立陳有坐陳夫

內向所以顧中也外向所以備外也顧中誠則然顧而不

顧不顧而顧機立陳所以行也坐陳所以止也

立坐之陣相參進止將在其中坐之兵劍斧立

之兵戟弩將亦居中

善御敵者正兵先合而後扼之此必勝之道也

陳之斧鉞飾之旗章有功必賞犯令必死存亡

死在抱之端雖天下有善兵者莫能禦此



矢射未交長刃未接前譟者謂之虛後譟者謂之實不譟者謂之秘虛實秘者兵之體也

兵令下第二十四

諸去大軍為前禦之備者邊縣列侯各相去三五里聞大軍為前禦之備戰則皆禁行所以安

內也雖云助戰而皆禁行防有外通內泄之弊

內卒出戍令將吏授旗鼓戈甲發日後將吏及出縣封界者後後行以坐後戍法兵戍邊一歲

遂亡不候代者法比亡逃軍父母妻子知之與

同罪弗知赦之卒後將吏而至大將所一日父

母妻子盡同罪卒逃歸至家日父母妻子弗捕

執及不言亦同罪諸戰而亡其將吏者及將吏

棄卒獨北者盡斬之前吏棄其卒而北後吏能

斬之而奪其卒者賞前吏棄卒後吏能領所棄可賞能督之戰益可賞若

許後吏斬前吏而奪之獨無軍尉與大將可歸

如前戰誅法大將軍無不得誅斯可耳此不

可為訓及上逃卒令父母妻子捕執使人無親

斯秦法也終亦必亡而已矣



軍無功者戊三歲三軍大戰若大將死而從吏  
五百人以上不能死敵者斬大將左右近卒在  
陣中者皆斬餘士卒有軍功者奪一級無軍功  
者戊三歲戰亡伍人及伍人戰死戰亡伍人乃  
與否竟無此人也下曰及伍人戰死則真戰而  
死矣必欲得屍者似不得屍此人非降敵則逃  
歸也又戰死宜加恩不得其屍同伍盡奪其功  
卹故以必得屍為據  
得其屍罪皆赦軍之利害在國之名實今名在  
官而實在家官不得其實家不得其名聚卒為

軍有空名而無實冒替妨占名色種外不足以  
禦敵內不足以守國此軍之所以不給虛額將  
之所以奪威也臣以謂卒逃歸者同舍五人罰  
入糧為饒名為軍實是有一軍之名而有二實  
之出一實以供大軍一實以供逃軍是二實之  
出也意謂同舍五人罰糧實軍則軍不敢  
逃且不能逃矣不立此法止逃是名為一軍也  
如以二實供之若指罰糧為一實則當曰二實  
之入也故下文遂承承之國內空虛自竭民歲  
以免奔北之禍乎今以法止逃歸禁亡軍是兵



之一勝也。什伍相連及戰鬪則卒吏相救是兵之二勝也。將能立威卒能節制號令明信攻守皆得是兵之三勝也。

臣聞古之善用兵者能殺士卒之半其次殺其十三其次殺其十一能殺其半者威加海內殺十三者力加諸侯殺十一者令行士卒故曰百萬之衆不用命不如萬人之鬪也萬人之鬪不用命不如百人之奮也賞如日月信如四時令

如斧鉞制如干將士卒不用命者未之聞也

日孽在於屠戮曰殺一人而萬人喜者殺之又曰良民十萬勝於一國上不能省臣以為危皆仁人之言也殺士卒之半是何言歟書言用法不無嚴刻然痛意自踵軍令後頗似後人增附即非縛言豈有先殺吾卒之半以求精者夫殺乃隆殺之殺非生殺之殺殺半者減半耳萬人鬪百人奮正明貴精不貴多多則宜減不詳其用字而遠坐慘時可乎宋曲端即以此讒死然斬了四十萬方得用也糊口脅火有宜其報矣非錯讀繚語致然邪

三國操以尚書郎高柔為理曹掾舊法軍征




士亡考竟其妻子而亡者猶不息操欲更重其刑并及父母兄弟柔啟曰士卒亡軍誠在可疾然竊聞其中時有悔者愚謂乃宜貸其妻子一可使誘其還心正如前科固已絕其意望而猥復重之柔恐自今在軍之士見一人亡逃誅將及已亦且相隨而走不可復得殺也此重刑非所以止亡乃所以益走耳操曰善卽止

逃軍禁法不嫌於密然止數十數百可得懲也若望敵而潰無不逃者何從名捕且劫掠以生不窺鄉井其父母妻子縱畏法忍心何由捕執又可罪及其原不知情之父母妻子邪同伍罰糧可相繫矣糧匱軍饑此五人已亦無食以何充罰必與俱逃繚曰法禁亡軍爲兵一勝是也然古今時地必難概論或曰然則逃可無禁禁又何法之從應之曰除却



使效死弗去別無良法又問何道之致應之  
曰今人說得行不得

尉繚子終



尉繚子終